

上元縣志



治績

漢杭徐字伯徐丹陽人以膽智稱初試守宣城長悉移深林遠藪椎髻鳥語之人置於縣下由是境內無復盜賊後爲中郎將宗資別部司馬擊太山賊公孫舉等破平之斬首三千餘級封烏程東鄉侯遷太山都尉寇盜望風奔亡及遷長沙太守宿賊皆平卒於官桓帝下詔增封千戶
芮祉字宣嗣丹陽人從孫堅征伐有功堅薦爲九江太守轉吳郡所至有聲

論曰炎運將頽盜賊蠡起一時郡守有能聲者在安民安民必先去賊如農功然稂莠不除而良苗之懷新得乎杭伯徐知治道矣若芮宣嗣之爲九江太守蓋亦庸中佼佼者也

吳朱治字君理丹陽故鄣人初爲縣吏後察孝廉州辟從事隨孫堅征伐中平五年拜司馬從討長沙零桂等三郡賊有功堅表治行都尉從破董卓于陽人入洛陽表治行督軍校尉特將步騎東助徐州牧陶謙討黃巾會堅薨治扶翼策依就袁術後知術政德不立乃勸策還平江東治從錢唐欲進

到吳吳郡太守許貢拒之于由拳治與戰大破之
遂入郡領太守事後策薨與張昭等共尊奉權建
安七年權表治爲九真太守行扶義將軍割婁由
拳無錫毘陵爲奉邑置長吏征討夷越佐定東南
禽截黃巾餘黨黃武元年封毘陵侯二年拜安國
將軍徙封故鄣權歷位上將及爲吳王治每進見
常親迎執版交拜饗宴贈賜恩敬特隆黃武三年
卒年六十九子才嗣父爵才弟紀權以策女妻之
才子琬襲爵至鎮西將軍

朱然字義封治姊子也本姓施氏初治未有子然年

上元縣志

卷十八

治績

二

十三乃啟策乞以爲嗣策命丹陽郡以羊酒召然
然到吳策優以禮然嘗與權同書學結恩愛至權
統事以然爲餘姚長時年十九後遷山陰令加折
衝校尉督五縣權奇其能分丹陽爲臨川郡然爲
太守

論曰江表傳載治說權從兄豫章太守貢曰前在
東聞道路之言云將軍有異趣良用憮然曹公阻
兵傾覆漢室幼帝流離中國蕭條道殣相望以此
料之豈能越長江與我爭利哉將軍爲一女子女 貢

爲曹公
子婦

改慮易圖毫釐千里賁由此遂止蓋言之

開陳利害曉譬大義如此朱然幼負奇能爲吳名將治亦無愧知人之哲哉

宋陳承昭昇州人建隆初入朝以承昭知水利督治惠民五丈二河通漕運又督諸軍鑿池朱明門內外以習水戰從征太原歸遷龍武軍統制

刁衍字元賓昇州人從李煜歸宋知桐廬縣會詔群臣言事衍上諫刑書通判湖州疏陳五事歷知廬潁湖州授兵部郎中卒以純澹夷雅稱士大夫多推重之子湛湜渭湛子繹約皆第進士約直史館嘗使契丹知揚州秦義字致堯江寧人太祖召見

上元縣志

卷十八

治績

三

補殿直督廣濟漕太宗時提點淮南茶鹽討捕荆湖羣盜歷典州郡義好爲詩喜賓客歷貨財之任十五年精勤練習所在稱職

盧鑑字正臣累舉進士不第仕邊職在鄜延路敗走李繼遷又焚其積聚多斬首級又善於料敵爲利州都監奏李繼遷聲言石隕之詐宜益爲備遷知儀州州有制勝關最險要繼遷揚言欲襲取之詔徙老弱芻粟於內地鑑曰此奸謀也且示虜弱搖民心竟不徙賊亦不至知利州歲饑便宜發粟賑饑知環州平磨媚族累遷至西上閣門使知秦州

李琮字獻甫登進士第調寧國軍推官州積穀腐敗轉運使移州散於民俾至秋償新者守將行之宗曰穀不可食強與民責而償之將何以堪持不下乃止知陽武縣役法初行琮區畫盡理旁近民願視以爲則徽宗時歷知潞州潞有謀亂者爲書期日揭道上部使者檄索奸甚亟琮置不問以是日置酒高會訖無他終寶文閣待制

張頡字仲舉昇州人第進士調江陵推官歲饑遣使安撫頡條獻十事活數萬人累官廣西轉運使時建廣原高順州將城之頡謂無益朝廷從其議坐

上元縣志

卷十八

治績

四

事罷歸未幾進直龍圖閣知桂州入覲首言卿向者論順州不可守信然時有獻言者謂淮南黎人陳被蓋五洞酋領異時盛疆且爲中國患今請出兵効力宜有以撫納之命頡處其事頡使一介往呼之出補以牙校喜而去詔問何賞之薄對曰荒徼蠻蛋無他覓得是足矣尋罷兵海外訖無事久之轉運使馬默劾其經理宜州蠻事失宜罷職知均州哲宗立還故職知鳳翔廣州召爲戶部侍郎踰年以寶文閣待制出爲河北都轉運徙知瀛州湖北溪峒畔朝廷託詰素望復徙知荆南至都門

暴卒

論曰建隆初承昭督修惠民五丈二河尚亦有利哉正臣舉進士不第起家右班殿直迹其知利州歲荒便宜發粟此與汲黯開倉何異李琮吏治尚深刻然調寧國推官蒞陽武二任幾於道矣衍在宋以純澹夷雅知名張頡安撫猺蛋朝廷倚爲重望蓋皆卓卓可稱述也

齊劉瓛字子珪沛國相人晉丹陽尹惔六世孫少篤學博通五經聚徒教授丹陽尹袁粲於後堂夜集瓛在座粲指庭中柳樹謂瓛曰人謂此是劉尹時

上元縣志

卷十八

治績

五

樹每想高風今復見卿清德可謂不衰矣薦爲秘書郎不見用瓛素無宦情自此不復仕齊太祖踐祚召瓛入華陵園談語謂瓛曰吾應天革命物議以爲何如瓛對曰陛下鑒前規之失加之以寬厚雖危可安若循其覆轍雖安必危矣旣出帝顧謂司徒褚淵曰方正乃爾學士故自過人以母老闕養攝彭城郡丞所居檀橋瓦屋數間上皆穿漏學徒敬慕不敢指斥呼爲青溪焉後徙居遇病卒年

五十五謚貞簡先生

祀鄉賢

劉係宗元徽初爲中書通事舍人封始興南亭侯兼

秣陵令齊高帝卽位除龍驤將軍建康令工欲修
白下城難於動役係宗啟謫役在東人丁隨唐寓
之爲逆者從之後車駕出講武履行白下城曰劉
係宗爲國家得此一城永明中與魏朝書常令係
宗題答係宗爛於職事武帝常云學士輩不堪經
國經國一劉係宗足矣其重吏事如此建武二年
卒紀僧眞丹陽建康人事太祖白寒官歷冠軍府
叅軍主簿建武元年除游擊將軍兼司農歷朝委
用當時目爲倖臣

論曰元帝南渡沿及齊梁士皆競聲華嗜進取大

上元縣志

卷十八

治績

六

致然也瓚性謙謹通美號爲儒宗京師士子貴遊
莫不下席受業事祖母有至性母孔氏謂親戚曰
阿稱便是今世曾子阿稱瓚小名也居父喪不出
廬足爲之屈杖不能起詳見本傳中係宗值齊太
祖革命時與紀僧眞同見信任多進密謀然其修
治白下城至今賴之治行固不可沒也

南唐周宗字君太秣陵人常給使烈祖左右用贊禪
功遷樞密使將相奉法循理以司徒致仕周兵初
起而宗卒二女皆爲國后

邊鎬事南唐爲通事舍人以通敏稱保太初張遇賢

稱亂襲虔州處白雲洞衆至十餘萬遣鎬監都虞候嚴思軍討之鎬與書生白昌裕定計刊木開道襲執遇賢於朝遷洪州營屯都虞候二年詔爲行營招討從樞密查文徽率師伐建州何敬洙等與鎬夾擊大破之遂取建州又南取潭州湖南馬希崇廢其兄希萼而自立密表請授以鎬爲湖南安撫使便宜進討希崇出降已而希萼亦來見鎬皆以禮遣舉族入朝時湖南饑僅鎬發廩以賑楚人大悅進武安節度使卒於金陵

論曰周宗爲司徒號稱奉法尚矣邊鎬監軍討張遇賢乃與書生白昌裕定計刊木通道襲執之書生固諳軍旅若斯哉鎬後治楚有政聲

明陳遇字中行太祖定金陵御史秦元之薦遇宜備顧問召見與語大悅及卽位詢保國安民大計遇以不嗜殺人薄斂任賢爲對再除翰林學士固辭被命使兩浙還稱旨賜金除禮部侍郎又弗受西域進良馬諫却之兩除太常卿禮部尚書皆固辭上曰朕不强卿以官成卿之高每進見陳說必根仁義人有過被譴皆力爲言上每俞允嘗曰卿老矣有子可帶刀侍衛遇伏地對曰臣三子皆幼待

成立以効馳驅及卒上親爲文以祭賜葬鍾山稱
曰靜誠先生子恭仕至工部尚書弟中復永樂中
翰林侍詔

王興宗明初爲帳前親兵以材授金華令廉勤公幹
甚得民心擢南昌通判嵩州知州僉院任亮集民
爲軍興宗曰元末世爵聚則爲兵散則爲民若皆
爲軍稅糧何出奏止之晉懷慶太守請減民食鹽
米民沾其惠朝京時上問養蠶種田官吏興宗亦
在問中高帝曰府主公勤不貪不必問還改蘇州
知府政尚寬簡愛民如子人皆感德莫敢犯法三

上元縣志

卷十八

治績

八

年遷河南布政使赴京辭上賜宴鈔遣之

楊勉京校生中永樂二年進士三年上命解縉等選
新進士才識英敏者就文淵閣進學禮意優渥勉
與其選時年最少姿俊偉出諸作者之右授刑部
主事召對稱旨陞右侍郎已坐事出叅政廣東八
年卒以功名終

丁璿永樂初登進士由庶吉士擢工部主事謫居潞
河以治行聞起爲御史巡按徐州擒賊首張晉祥
衛輝盜起承命往治縛渠魁散脅從令復業英宗
嘉其能陞右僉都時麓川蠻叛召璿馳視至則條

上用兵便宜十餘事事定陞右副都御史巡撫滇黔卒

論曰靜誠生當元季焚香拜天願早生仁聖救此創殘其憂天下至矣興宗初爲太祖帳下親兵卒以宣猷戮力佐成大業勉璿皆永樂初進士勉年最少文章出諸作者之右璿爲御史巡按徐州英宗朝條上用兵便宜十餘事聲施顯赫蓋亦功名中人哉

金潤字伯玉正統間鄉貢授兵部司務才敏有識有言赤斤蒙古所產可資戎器欲取之潤持不可已

上元縣志

卷十八

治績

九

已瓦刺入寇上欲親征潤白尚書鄺埜又請於王翱胡濙力上疏不報土木之變潤言於司馬于謙請堅壁清野以待謙從之軍國大計每與諮議京師晏然擢南安知府乞休家居手製床几十事號洞天十友壽九十卒

金紳潤之子景泰甲戌進士改庶吉士授刑科給事中首率同列論指揮門達竊弄威柄及廷議力言都御史王竑剛毅直諒可屬大事又言時政八事多見采納歷官刑部右侍郎性狷介嚴毅門無雜賓成化間江西大旱命巡視以便宜行事至則休

力罷征裁冗減獄境賴以寧年四十九卒於官子
麟壽文學孝友舉進士

凌文字從周天順元年進士授戶部主事進郎中以
才幹陞湖廣叅議時湖賊呂總聚萬人擄掠文捕
戢悉平蘄黃大饑撫按屬賑濟所活萬餘人平生
謙重不事外飾以文學重於時

朱貞字惟正旗手衛籍天順元年進士知磁州時中
官取異魚民爲所苦丞以下率避去貞恐益累百
姓乃禱於河魚涌至境內以安改鄧州至卽疏革
陝西等處驛夫與州民更番走遞以甦生著成化

上元縣志

卷十八

治績

十

丙戌襄盜起軍興孔棘將次鄧貞夙戒諸生有幹
局者分主供餉士卒無敢以非禮加進四川叅議
督松潘儲勤以率下飛輓有方宿弊盡洗且善撫
禦西羌剽掠者不入境黑虎寨恃頑不服貞與總
戎計平之事聞行賞貞以老乞休

翟瑄字廷瑞南太醫院籍天順甲申進士令奉化有
善政擢御史執法不撓進僉都御史巡撫山西有
平賊功晉左都御史尋陞刑部尚書數斷大獄多
所平反獄無冤民弟瑛丙戌進士讀中秘書出爲
禮科給事中改兵科數上封事於時政多所規益

歷太常卿以病乞骸骨歸瑛孝友篤實事兄如父
世稱兄弟之美必曰二翟

沈鍾字仲律天順庚辰進士歸省父病踰年父卒居
廬三年未嘗言笑服闋授吏部主事疏乞終養改
南禮部俸資必跪奉其母尋拜按察僉事考績擢
副使督學湖廣時座主尹公旻秉政當候見鍾問
所居李文達顧坐客曰今之不識相門者仲律一
人耳改督學山東爲諸生改五經文後子爲儀賓
遂乞致仕平生賦詩萬首文字之外世事無所聞
年八十弟鎧舉成化壬辰進士

上元縣志

卷十八

治績

十一

王徽字尚友南錦衣衛籍天順庚辰進士拜南禮科
給事中卽疏五事曰親覽史書開言路重大臣選
良將全內官時牛闥專恣大臣失職徽劾奏剴切
謫普安州判官考滿歸杜門不出弘治甲申起陝
西左參議二年乞致仕卒年八十三
論曰潤兵部司務議備土木之變司馬于謙從之
紳言時政八事嚴毅有志操凌文平湖廣賊賑蘄
黃二郡饑朱貞督潘松儲勤以率下飛輓有方翟
瑄令奉化有善政擢御史沈鍾座主尹公旻秉政
不識其門王徽劾牛闥專恣大臣專政蓋皆救時

之良輔經世之能臣也

王敞字漢英錦衣衛籍成化辛丑進士授刑科給事中出閱四川諸鎮邊儲還上便宜六事其一言建昌礦夫事革尚爲權家所占請罷之孝宗時使朝鮮國王出女樂燕之不聽其君臣相顧愧嘆歷轉通政使陞兵部尚書以平寧夏功加太子太保山東及四川盜起請增設兵備所用諸將及總制大臣皆一時之選寇平乞休歸

陳鋼字堅遠成化乙酉舉人授黔陽知縣鋼性豈弟通大體均定徭役招復流移興孝弟禮義之教沅

上元縣志

卷十八

治績

十一

湘二江合流域下數決壞民居鋼募民採石斃堤亘千丈水乃不溢縣南三里厓路甚狹諸軍戍苦之鋼焚山淬石拓路丈餘外繚以索行者不害民立祠祀之

丁鏞字鳳儀成化己丑進士任南刑部主事歷郎中守興化嘗斷疑獄人以爲神性嗜學工詩尤愛佳山水多宿山寺不出則焚香一寓中左經右史頹然自適

任彥常字吉夫江陰衛籍童年游庠刻苦勵學天順壬午解元成化壬辰進士授南戶部主事歷陞福

建提學甚得士心弘治改元致仕歸八府諸生赴京奏保章十二上不報

金章字質菴成化乙未進士令黃梅有惠政不事苛刻聽決催科民甚便之擢南道御史章父鉞素著高風有竹溪集次子冕孫清皆舉進士瀚舉人王弘字叔毅廣洋衛人弘治癸丑進士授行人擢南道御史論列逆瑾罪狀廷杖爲民瑾誅起廣東副使嘉靖初議大禮弘不附名時論躓之

劉麟字元瑞南京廣洋衛人有今名弘治丙辰進士臺諫龐津等以劾外戚張氏驕橫下詔獄麟上疏

上元縣志

卷十八

治績

十二

申救清議重之授刑部主事正德初出守紹興劉瑾以麟除官不謁謝黜爲民瑾敗起知西安叅政時遣責臣督兵餉擬加賦麟獨不可曰靖邊本以衛民可先困乎議遂阻軍興亦不乏累遷工部尚書奏裁工部上供十四事罷遣中官督造於蘇松璫憾之勒令致仕家居三十餘年卒謚清惠

李熙字師文弘治丙辰進士授將樂知縣擢御史論鴛帖之害上納之正德時逆瑾擅政熙偕同官疏列其奸廷杖落職歸嘉靖初起饒州知府轉浙江副使以清操著

姚隆字原學弘治壬戌進士由新昌令歷陞荊州守州大水人附高阜大樹日夜嗷嗷隆命駕千艘濟之以米活者數千人遠來趁食者於近境爲粥啖之活者不可勝計時取佛中官過郡從者殺人隆捕治抵罪中官恐以奇禍不爲動罷歸民肖像祀之

羅鳳字子文弘治丙辰進士官南道御史出守兗州正德中屬車屢動傳言將有事泰山東撫欲額外征取以備巡幸鳳不應被劾改守鎮遠復忤巡方再移石阡致仕

上元縣志

卷十八

治績

十四

梁材字大用弘治己未進士授德清令進刑部主事改山東道御史出知杭州府值歲饑發粟以賑五日皆徧尋進按察使會宸濠變起浙鎮守中人畢眞爲內應材草檄調官又自往說眞撤兵衛奸謀遂沮嘉靖初歷廣東布政使不二載至戶部尚書材感恩益盡職值帝勤政力祛宿弊每言必從後以忤權倖致仕帝念材廉勤召復故官命兼掌刑部讞疑獄俱得其情上喜曰得尚書十二人如材者朕可無憂矣卒謚端肅

論曰明成化正德之間太祖之治衰矣然其時賢

良樹績如王敞閱四川諸鎮邊儲上便宜六事陳
鋼治沅湘採石甃堤亘千丈民免水患丁鏞守興
化斷疑獄彥常福建提學得士心金章令黃梅有
惠政鄉之人至人稱之王弘列劉瑾罪狀劉麟除
官不謁謝瑾李熙論駕帖之害亦以疏瑾廷杖放
歸姚隆執法不畏中官此皆義形於色與春秋之
孔正父奚以異耶羅鳳不欲額外加賦以供巡幸
得爲治之體梁材應變有術盡職廉勤其謚端肅
宜也

張鐸留守衛籍嘉靖辛丑進士改庶吉士授監察御

上元縣志

卷十八

治績

十五

史按遼規度要害建諸臺堡積粟六萬餘斛貯預
備倉以防兵荒後十年遭大水疫癘繼作賴以賑
濟人謳思之

伊敏生字子蒙嘉靖中爲御史嚴嵩與郭勛相結爲
奸敏生劾嵩所居宅乃勛私人孫灃所居灃籍沒
嵩宅應在籍中帝怒奪敏生俸後官至山東叅政
蔡銳字抑之留守左衛籍養母盡孝中嘉靖丙午鄉
試謁選河南通許令有政聲以不能媚上官轉杭
州府學教授始至勵廉隅端軌範士始憚其嚴未
期月翕然尊信四年遷襄府紀善去之日士立去

思碑於學宮歸而環堵蕭然豁如也年八十餘卒
梁楹字汝直府軍後衛籍嘉靖丙午鄉薦爲鹿邑令
性廉慎百姓懷之遷眉州進南郡二守丁憂歸補
湖州遷荆府長史致仕眉舊有玻璃江源出岷水
至武陽與邛水合江勢悍暴轉徙不常宋魏文靖
守眉作驀頤堰記以爲東流則病堰西流則病城
截江爲捷而醜渠於東西之兩間城與堰兩利焉
後此議者紛沓績用弗成城益危公至察水勢用
文靖策築堤斜截大江導使中流長百八十丈有
奇不二月遂成至今賴之

上元縣志

卷十八

治績

十六

路伯鏗字東溟嘉靖辛丑進士觀政刑部大司寇國
士待之時郭武定勛進方士段朝用術敗論死武
定已坐事繫獄懼並誅其家以千金爲壽求一言
公亟麾去授行人使楚藩却厚贈朝論躓之著侑
閒齋集仲子九同隆慶丁卯賢書選通山令歲荒
民流亡甫下車卽借庫金糴穀境外立粥藥局布
袍革舄晝夜拊循以糧運民不堪命力請改兌拂
當事意笑曰事旣得行足矣著滄適齋集二十卷
馬汝溪字誠望錦衣衛籍年十四遊京庠嘉靖壬子
領鄉薦仕慶元令歲值攢造公曰大造繫十年利

病可容好胥私弊乎率而盟諸城隍之神書誓辭於兩楹晝夜親閱織毫不假未踰月冊成當道賢之事在慶元志中才望受撫院檄禦甌閩劇賊李文標賊滅入覲過家遂謝不赴買地城南座暴啗五年積千餘副居恒泊如不自鳴其善書法逼右軍卒年八十有二

黃尚質字宗商水軍左衛人嘉靖戊午舉人授劍州學正典試陝西攝巴縣妖寇蔡百貫作亂竭力捍禦郡賴以安改峽江令驛有羨金歲暮輸縣尚質令存以減明年額派訪練子寧遺嗣於廝養爲立

上元縣志

卷十八

治績

十七

祠買田俾主其祀仕至饒州別駕子應登字徵甫以明經授教諭端廉愛士歸賣文養親有孝行焦瑞字伯賢旗手衛籍以貢授靈山令時一條編法已行邑以僻遠里甲之供如故瑞首罷之地多叢箐羣盜嘯聚其中推官劉某往勦被執瑞亟率兵往援賊驚拜呼父母遂救推官還訓練丁壯用銀爲射的中輒賞之諸兵競勸賊不敢近邑有牛稅沿爲縣用瑞一無所取

鄭宣化字行義嘉靖乙丑進士授袁州推官陞南工部主事權關蕪湖力除奸蠹再遷武選司郎中

清軍官襲替夤緣詐冒之弊時相出片紙以錦衣
某弁掌衛事宣化執不可遂出爲邵武守
朱衣字正伯錦衣衛籍嘉靖甲子舉於鄉授臨淄令
調房縣有官堰爲豪強所據衣理之鑿石築堤灌
田千餘頃邑人改名曰朱公堤遷守沅州治礦徒
之亂下令執鐵者賊空拳者民不得妄誅乃戮其
首惡餘悉賞之守兵以缺餉鼓譟衣曰迫於饑耳
先與定期給餉而衆皆定子之蓄

朱之蕃字蘭嶠萬歷乙未殿試第一人幼卽穎拔甫
數歲日誦千言能文善書奉親極孝旣貴悉以遺

上元縣志

卷十八

治績

十八

田讓諸弟在史館時加一品服奉使朝鮮北還盡
却其贈賄鮮人乞書者鱗集或以貂參爲贄盡斥
以買古法書名畫辛丑會試同考拔許獬等十八
人皆知名之士人服其鑑衡丁內艱不復出通籍
三十年立朝之日無幾歸里構三徑永慶寺旁名
小桃園嘯咏自樂著有奉使朝鮮集南還雜著落
花詩子從義以廕敘仕至副使

論日記有之大臣法小臣廉國之肥也書稱惠迪
吉從逆凶天之道也張鐸以監察御史按遼築臺
堡設倉積粟知所規度矣伊敏生劾嵩不法事諒

矣朱正伯清官堰灌田邑人名曰朱公堤子蘭嵎
以鼎甲奉使朝鮮加一品服謂惠迪之非驗耶梁
汝直截玻瓈江築堤事與正伯同馬誠望大造杜
奸胥弊載慶元志蔡抑之通許令歸環堵蕭然路
東溟使楚藩却贈鄭行義榷蕪湖稅斥羸羨黃宗
商拒里甲餽金焦伯賢仕靈山不取嶺南一物是
皆清修矯矯者號曰廉吏肥於國也宜哉

殷邁字時訓一字秋溟少穎敏端靖始受書卽有志
聖賢之學二十登鄉薦肄業南雍與江西何善山
遊聞陽明之學又從少司成歐陽南野論道有當

上元縣志

卷十八

治績

十九

於心以爲非靜無以成學遂居山寺鍵關默養多
所自得嘉靖辛丑舉進士授戶部主事以病乞南
改驗封司進文選郎中雖委蛇清要而不耐交際
苛禮進江西左叅議轉貴州提學副使中途感疾
遂慨然歸杜門一切世好如洗隆慶改元巡方屢
薦除浙江提學副使進南太僕寺卿時僕寺法弛
邁務張之釐革僱役冗名僞票諸弊著爲令民力
以蘇辛未移疾懇辭賜休沐居里萬歷改元江陵
當國以邁負盛名欲引以爲重操江都御史王篆
傳江陵意邁不應謂其子慶曰江陵橫終當有禍

篆非端人不可與作緣也久之進南太常卿旋以禮部右侍郎管南國子祭酒事累疏乞休得請時年六十有二自知逝期獨居一室戒家人勿前作偈云丈夫自堂堂脚底有元路撒手便歸家何曾移寸步焚香若假寐而終蓋幾於委蛻云子序嘉靖辛酉舉人孫薦亦有聲庠序間

許穀字仲詒一字石城父陞字彥明清修雅尚不事生產人稱攝泉先生與顧司寇王太僕爲布衣交多歷名勝所作蕭散有林下風穀年二十舉嘉靖乙酉鄉試登乙未會試第一人是年肅皇御文華

上元縣志

卷十八

治績

二十

殿親試進士八中秘穀對策論時務甚剴切讀卷者恐忤上意故抑之授戶部主事管倉務以清慎舉其職尚書梁材甚器之居三月調禮部奔父喪三年哀毀不出戶服闋補吏部文選僉謂其公而厚云任滿當陞因乞南就養遂拜南太常寺少卿改江西提學造士甚著聲譽陞南尚寶寺卿致仕家居三十餘年四方遊宦至者無不慕敬每投轄歎之然竟不報謁或疑其簡穀曰林下當如是也平生坦蕩和煦不設城府人比之劉寬卓茂焉春秋良日引二三知己巖居川觀歌咏相樂有時奉

母徜徉臺榭間子婦孫曾次第爲壽母年八十考終穀亦踰耆以白首盡哀遠近莫不嘆服穀登嘉靖乙酉賢書至萬歷乙酉舉人來謁尚鬢鑠碧眼長顙白鬚飄然見者謂神仙中人年八十三卒孫天敘萬歷己卯舉人官裕州知府有善政福籓之國各郡邑認派王莊裕獨以敘力爭免天敘子延祖延祖子岳皆以書名

王可大字元簡嘉靖癸丑進士初授刑曹時相欲陷人重辟大執不可出補瓊州飲冰自矢後海剛峯來南掌院嘗語其孫曰乃祖在瓊止飲一杯水吾

上元縣志

卷十八

治績

二十一

甚敬之爾等無墜家聲轉台州知府與總兵戚公繼光禦倭馘醜奪還所俘甚衆罷歸閉門讀書門無雜賓士大夫有過訪者纔一報謁而已世皆稱其簡貴曾孫萬禛性孝少刲股愈親博學弘詞能詩善書爲貢士首絕意仕進惟與二三隱君子往來唱和八十有四乃卒

盧璧字國賢金吾衛籍舉嘉靖戊戌進士擢南戶部主事陞彰德知府改漢陽晉苑馬寺少卿璧天性孝友父病以身爲禱親喪哀毀骨立居官常祿外秋毫無取及歸家計益窘處之恬如杜門却掃不

通公府性峭直終身不媚一人辭色不苟動遵禮法夫婦相敬如賓子孫必正衣冠然後敢見卒年七十有八

忱九思字天啓世父琮起家進士仕至蜀憲九思童年卽有亢宗之志旦起侍兩尊人於寢問起居滌廁踰惟謹退則下帷伊吾中夜不休父病籲天請以身代而瘳嘉靖癸酉舉鄉試公車不第益發憤攻苦爲大司成呂文安公所賞懼母憂哀毀骨立哭三年不輟音賀黃門涇者端人也獨重九思有里中勲貴人爲黃門所持度他亡可居間者則橐

上元縣志

卷十八

治績

二十二

千金求九思爲解九思拒其金而陰爲解之勲貴人德之甚然終不敢頌言謝也亡何卒卒後三十餘年伯子鳳翔成進士爲蕭山令以廉能課爲給事中清素如儒者才品爲一時所重封駁岳岳有直聲

李登字士龍弱冠入京庠以文行著時督學天臺耿公倡明理學擇諸生之俊尊異之以風多士登居一焉隆慶初以選貢充太學生授新野令至則重學校勵士風嚴考課給膏火以佐貧士擇里塾以端羣蒙值歲凶多設粥糜以食飢者復置義倉改

贖緩令折穀以實之歲率爲常存活甚衆邑有水
患爲築堤三成梁一條陳興革俱切時宜民受其
賜以抗直忤時改諭崇仁講明鄒魯之學有願學
編寶唐語錄去官歸家居三十餘年惟以明學爲
務建講堂以集同志四方嚮學之士戶履恒滿遠
邇人士莫不知有如眞先生云率年八十有六登
孝友出天性事父兩繼母養生送死不愧古人視
子姪無異情有產俱中分之精考六書之學直探
其奧所著字學諸書行於世

常信字國寶爲人孝友多藝能年十二父卧疾爇香

上元縣志

卷十八

治績

二十二

顛天願以身代厥疾用瘳家貧攻苦力學不少怠
精考六書旁及繪事至靈樞陰符之書無不曉解
隆慶改元授南印局使以其餘力益肆於學五載
晉撫州府照磨守胡性嚴重察信爲人事倚以辦
如清陳鄧積年之訟散青泥蜂聚之黨定北門之
宵變還府庫之亡財悉用其畫而所嚮亦隨有濟
花園港多巨盜嘯聚行劫商旅幾絕臨川黎令舉
信於當塗以其事屬之信詭爲日者服采入其阻
圖上地形並所爲芟除建置者甚具兩臺報可於
是擒盜魁十有三人巢穴蕩平道路無梗又喜爲

詩政暇輒出遊遊必與卿士大夫爲詠歌所著有
同文北上撫遊振藻諸集

何汝健字體乾一字龍厓京衛籍嘉靖癸丑進士仕
至叅議性寡交遊惟喜獎拔後進如濮州之馮祿
冀州之李再命皆於童穉識之再命與健之子湛
之進士同榜馮祿聞公夫人死偕妻南來斬衰哭
於墓下其感人之深如此湛之字公露萬歷己丑
進士授戶部歷陞浙江叅政才穎而雋書法適美
次子淳之字仲雅丙戌進士司李中州一時臺省
監司咸倚辦焉召授御史移疾歸

上元縣志

卷十八

治績

二十四

姚汝循字敘卿錦衣衛人少敏慧而性簡易不屈髫
年入京庠未一月登賢書丙辰聯第知杞縣擢南
刑部主事出守大名所至政多平恕郡故土城當
河流之衝汝循伐石起陶築之高厚堅實至今屹
然因抵宦家子於法得謗當左遷遂屏居十年起
桂陽同知遷嘉定州以事忤江陵意罷歸生平尚
節儉喜施予親故貧乏者周恤之晚年究心名理
尤留心鄉井利弊有丁糧議載志中孫世昌字克
修有庄居在城東四十里山路崎嶇世昌修治數
百丈往來便之喜作善事凡施粥拯難造橋放生

必世昌居首鄉里稱爲善士七十餘卒

吳自新字伯恒邑人幼警敏絕人丰儀玉立爲諸生有聲耿天臺督學政首拔之登隆慶戊辰進士授工部都水主事出董呂洪河道審擇便利杜乾沒之奸罷無名之費補營繕司督工大內程材授精宦官母敢侵漁其間擢守杭州杭故難治剔橐除奸不少貸有廢勲匿重犯於家自新執其黨論犯如法郡有豪宦當大辟時監司屬意寬之不聽有冤民累歲不決廉得誣狀立破械釋之織府金巨萬前守多利爲私橐自新一一檢核歲省數千緡

上元縣志

卷十八

治績

二十五

杭人曰昔金陵梁尚書以清正著今復幸有吳公矣備兵溫處核軍實杜吏弊汰冗弁海防肅然案牘盈前一見立解尤精於法律能令老吏震懼進布政使久於其地益諳機宜歲積羨金悉充兵餉歲歉賑卹有條全活甚衆以右副都御史巡撫河南時宗藩驕橫自新選其俊彥爲宗學長始皆斤斤奉法會陳卒以餉不時聚而囂立逮首事者誅之咄嗟而定陞南刑部侍郎卽與諸司約謹官箴慎交與簡聽斷數十言共遵行之視篆兩月疾卒天臺嘗稱之曰伯恒語默動靜無非學也晚而好

易宦邸構洗心軒家起萬卷樓以藏書尤敦孝友里中稱其家法好汲引名流所推轂賢士大夫遍天下焉子汝琦博學能文爲新建張相國鹿門茅先生所重

論曰學猶水也水必有本而後混混以放於海學必有原而後循循以幾於道殷時訓慕陽明之學多所自得以故不爲江陵用許仲詒對策論時政剴切讀卷者抑之王元簡不媚時相知瓊州飲水而已盧國賢常祿外秋毫無取沈天啓紹父琮家學李士龍講明鄒魯道脉世號如真先生常國寶

上元縣志

卷十八

治績

二十六

任撫州照磨撫守胡事倚以辦何體乾獎進後學姚敘卿守大名築城伐石至今屹然吳伯恒宦邸築洗心軒尤敦孝友記曰無本不立無文不行書曰凡民有猷有爲有守之數公者其庶幾與童軒字士昂其先鄱陽人以天監家應天景泰進士授南京吏科給事中時貢翠毛魚魷諸物以萬計軒上疏止之又陳弭盜安民數事成化初上封事多見採納蜀寇起往撫之卽平三原王恕曰公不加兵而四境寧官三品致仕家無餘貲可以見公平生矣

周金字子庚正德進士由給事至副都御史致仕家
居六年起陞兵部侍郎尚書南京爲人濶達警敏
諳習世務武廟數遊幸上疏極諫頗見采納都督
馬昂進女弟力諫止之癸酉議用兵土魯復合密
金極言西邊虛憊而土魯險遠且青海之賊窺伺
西寧乃欲遠拯哈密乎從其議於是以金可屬邊
事巡撫延綏宣府人心已安金益務寬簡以熨帖
之嗣以都御史出鎮淮上章聖梓宮南祔諸護行
大臣至儀真議從陸金獨言山路險恐有撼頓乃
從江江千里免於伐樹壞民居役夫數萬人得

上元縣志

卷十八

治績

二十七

無走死山谷中金之力也乙巳致仕歸卒年七十
有四賜葬祭贈太子太保謚襄敏

潘珩字重玉父傑工部郎中珩少有文名領成化庚
子卿薦除九江同知改南康修曰鹿書院置田五
頃師生至今賴之歲饑發粟賑貸全活萬人改袁
州除弊興利士民交頌焉

金澤字德潤幼警敏舉成化二年進士累官四川叅
政蜀盜猖獗公以計捕平之會大饑上命給漕糧
二十萬石以賑公輓輸有方全活甚衆西南夷酋
長所贄謝皆兼金公一無所受轉廣東布政進右

副都御史巡撫江西皆有聲陞南刑部侍郎尋改兵部又進南都察院右都御史致仕公鎮靜有容得大臣體歷仕三朝凡四十八年轉十四官而無秕政性孝友平居恥以月旦訾人居家翼如也門無好事室無姬妾人稱爲全德君子所著有容菴集藏於家子述以廕敘官至郎中

陳鎬字宗之欽天監籍成化丙午與弟欽同舉應天鄉貢鎬第一人明年同舉進士皆由郎署鎬督學山東欽督學廣東時人謂之兄弟三同鎬在山東公廉詳慎成就學者甚衆歷官副都御史巡撫湖

上元縣志

卷十八

治績

二十八

廣欽在南武選時會武庫郎婁性被誣下獄欽奮身疏其冤詔并逮欽同繫者二年婁病篤欽周旋之得不死出知廣平周達民隱郡人號爲陳母李春字志仁應貢入太學選建安丞修廢革弊政著能聲鄰邑有疑獄不能決上官令往治之遂得理在任六閱月而卒

李昊字致遠成化己丑進士授檢討改南禮科給事中因黑青之異力陳時事當罷行者歷陞浙江左叅議值紹興水災寬民逋負嘉興百戶以衆劫府庫昊提兵擒之後調長蘆鹽運同知改廣西太平

知府遂乞休歸

凌雲翰字伯遠號文子弘治壬戌進士知德化縣有
惠政民苦衛卒侵擾雲翰按其黠惡寘之法遂以
帖然有貧而鬻妻養母者爲贖以歸而制產贍之
調吉水訟爲之衰陞全州未抵任歸

陳榮字仲仁生而偉岸登成化甲午鄉試授仁和令
邑居浙會政賦龐雜榮爲令案無停判篤意愛民
不以毀譽禍福動歲旱請減租什伍時方冬監司
發民築海隄多凍死榮力止之役罷有權璫至杭
藉修梵教爲侵斂榮執不可事遂寢踰年增修學

上元縣志

卷十八

治績

二十九

宮建社學十餘所風教日振御史歲巡咸旌之嘗
上御史吳公一貫時政十二事吳公薦之爲忌者
阻遂去職屏跡南郊終身不言仕進年七十四卒
男二長府登正德庚辰進士次庭

伊乘字德載吳人爲應天府學生舉成化甲辰進士
授南刑部主事員外郎官諸司奏牘稱其職擢四
川按察僉事理冤抑治飢民討除劇賊三載乞終
養不仕子伯熊正德丁卯舉人孫敏生嘉靖壬辰
進士曾孫在廷嘉靖乙丑進士

童時字用中枕肱公之嗣子垂髫時卽能立志屢困

場屋謁選太僕寺主簿寺在南滁山水佳處諸長
貳鄉多備養望會必賦詩惟幕之賢者與焉公才
思警敏立有佳句至語國家典故尤能歷歷詳對
宸濠變作武廟南征公獨署寺事綜理馬政兌調
不乏樞部稱其能陞荊州府通判明達勵精不畏
強禦監司委署府事勘報大獄民用懷服越七載
丁父憂遂退閒於家

論曰童軒諫止翠毛諸貢討平蜀寇周金䟽諫武
廟遊幸請罷用兵土魯復哈密可謂審於謀國矣
潘珩知南康修白鹿書院置田贍師生金澤歷三

上元縣志

卷十八

治績

三十

朝無秕政稱全德焉陳鎬與弟欽科名祿位人謂
三同李春建安丞李昊禮科給事中凌雲翰知德
化陳榮知仁和皆歷任有治聲伊乘奏牘稱職童
時署太僕寺事綜理無悞南都人士卓爾大雅於
此覘之矣

楊銳南京衛籍守備安慶膽智過人宸濠之叛也留
守兵鎮南昌自率大軍盡奪官民船蔽江而下聲
言直搗南京豫奸人爲內應過安慶將順流飛渡
銳與知府張文錦等誓死固守令軍士鼓噪登城
大罵之濠怒遂駐師督衆運土填濠內薄攻城城

上矢石如雨賊衆多傷數日不能克濠令僉事潘鵬遣其家人持書入城諭降銳手斬之支解投城下賊衆氣沮會王新建兵入南昌濠回兵救之皖圍始解遂擒賊成功議者以爲是役也 乘初銳之氣使順流而下事未可知非銳等激怒之濠必不留攻安慶銳之功大矣

王文光字有孚登正德己卯鄉薦歷官侍御砥節峻行不妄取子侃侃不容人過雖上官亦不阿也出爲敘州知府著慈惠聲致政歸徜徉泉水歌咏自豪家人皆以曠達稱之

上元縣志

卷十八

治績

三十一

邵鏞字伯倫羽林右衛人幼有異質中正德戊辰進士爲吏部郎出知雲南府擢四川副使所至有聲性伉直不阿以是罷歸

司馬泰字魯瞻溫國文正公之裔世業醫泰獨習舉子業有文名嘉靖癸未進士授南道御史按湖廣覈而不苛嘗疏論給事中陳洸太監崔文置於理憲度肅然條陳留都軍民利害七事最稱切要都見施行陞懷慶知府調嘉興再調濟南皆有惠政勘魯府訐奏事十日而決特詔獎之爲郡人所忌去官歸而閉戶著書築園種樹名曰懷洛不忘始

也婚嫁遺孤子女內外十一人割產以贈弟姪無
吝色著述最多

阮厘字德載京衛人登嘉靖二十年進士授浮梁令
往令皆侵里甲以充橐篋悉罷之民困立紓每禱
雨暘輒應咸稱神君入爲南職方大璫夏綬盜孝
陵樹當誅厘按坐如律綬以重貲求解厘太息曰
三尺法安在哉峻拒之出爲九江僉事凡事務引
大體而風骨挺然落落多所忤卒中忌者言拂衣
歸杜門著書年八十餘卒

沈越字中甫錦衣衛籍登嘉靖壬辰進士出授羅田

上元縣志

卷十八

治績

三十一

令踰年邑大治移令平江擢山東道監察御史平
江民思之爲立去思碑羅田亦祠於名宦爲御史
持廉秉公釐奸革弊一時風裁大著以甲辰監試
事忤旨落職出判開封稍遷衛輝府推官又遷德
安同知以不能隨時俯仰竟歸所著詩文集古文
雜事若干卷藏於家

陳芹字子野羽林衛籍十歲能詩嘉靖甲午舉人屢
上公車不第乃往來攝山天台之間選崇仁教諭
時邑令峻刑急斂衆大譁有二生素爲令所恨遂
揭於諸司誣以鼓衆司牒提究芹執不發曰二生

若以別情取戾則憲約有三等簿在豈肯輕縱今
令長一邑不能禁民無越志而謂倡自二生芹司
教事而坐視誣陷是不得其職也於理勢皆不可
當道是之二生得免陞奉新令調寧鄉非其好也
上書求歸起五柳亭邀笛閣於秦淮居家十五年
未嘗履公庭談時政尤工寫竹間作花卉山水皆
入逸品結青溪社才思敏瞻疎散自得

陳鳳字元舉太醫院籍幼聰越不羣過目成誦爲古
文詩動凌作者舉嘉靖乙未進士授南陽府推官
郡有疑獄數案久不決鳳至原情核實釋之人稱

上元縣志

卷十八

治績

三十二

神明丁父艱起復補彰德擢刑部主事決囚多所
平反省中故有白雲樓暇則與文學僚友眺咏其
上稱爲西臺雅社歷郎中出僉憲江西改陝西聞
邊警冒暑抵慶陽扶病經畫以勞苦卒

廖文光字士龍上元人父經四川廣安州同知有清
譽文光中嘉靖丁酉亞魁選清江令政尚廉明時
分宜執政光擒其橫僕於獄實之法人多危之甘
直指特薦轉廣信同知郡有商被盜幾死忽若神
呼之盍告於廖青天商隨投告竟獲盜抵罪民益
信服去有遺思晉戶部員外郎督揚稅餘羨六千

金盡登庫陞工部都水郎罷官家居二十餘年嘯
咏自樂卒年八十子希元隆慶辛未進士官至
副

張祥字元吉錦衣衛籍由貢爲泗水訓導中山東鄉
試嘉靖辛丑舉進士謁選鄆陵令居官廉介按奸
發伏聲績大著入爲工部掌虞衡會報商人大戶
多以賄行祥持正無所徇有夜賫千金爲壽者峻
却之陞守萊州撫字流民駸駸復籍亡命匿諸島
者時出剽掠祥備設法禁咸帖然受約束移楚雄
郡饒礦井之利毫無所染土官二姓爭印據理判

上元縣志

卷十八

治績

三十四

決二姓母敢譁歷遷按察副使苑馬寺卿罷歸茹
淡服素怡然自樂執親之喪以毀瘠聞旣老事女
兄惟謹曰吾不逮事吾母事女兄卽事吾母也卒
年八十有七孫蕃博學能詩多識古文奇字有詩
集行世

論曰今之服官政者未必其盡虐斃獨也而畏高
明實甚何也人莫不樂榮名也而高明者之庇蔭
足以致我榮人莫不畏禍害也而高明者之氣焰
足以中予禍苟非秉天德之剛而毅然有守鮮不
爲之屈矣以觀楊銳武人耳守皖城罵賊目巾豈

有一宸濠哉王有孚侃侃不容人過邵伯倫蒞宮
不阿司馬魯瞻真太監崔文於理阮德載誅大璫
夏綬沈中甫不隨時俯仰陳子野拒司牒直二生
元舉以直道決囚多平反廖士龍令清江擒分宜
橫僕張元吉判土官二姓爭印毋敢譁蓋是數子
心體方嚴有以折強橫桀敖之氣而始之帖然詩
曰靖共爾位神之聽之好是正直其斯之謂與
劉應龍字時化號噓雲大司空清惠公麟之後裔事
親至孝中萬歷戊子武鄉試第一人連中辛卯甲
午會舉辛丑成進士推佐擊將軍陞中都留守掌

上元縣志

卷十八

治績

三十五

印奉命祭陵守陵者例應跪捧金盆盥手有中官
某勢燄薰灼賂以千金求免承直應龍正色曰朝
廷大典豈容更易耶却不受後遷左府掌府事以
母太夫人苦節年老告終養回籍

黃鉞字長白錦衣衛籍萬歷辛丑武科第一人歷官
南京左府僉書都督僉事生平功績在粵東渡海
征黎平抱由羅峒諸賊在南水陸營渡江禦蓮妖
保護淮鳳在黔領專勅征安酋擊破酋定織金大
方諸寨捷聞優賞解印南還遂家金陵少孤事母
孝事伯兄如父祿入悉周宗族不爲家年七十八

卒

陳忠字南塘府軍衛籍家貧有膽智膂力絕人能浮江面游百里嘗於神烈山擒兩虎由是知名時承平日久人不知兵忠獨以勇力著因屢立奇功微時補役新江口操時都督高姓新任嚴劾每矜其健兒拳勇以南軍莫與敵也演武比藝忠連踣三人觸都督怒苛求小過以軍法責治鎖禁營中欲致之死忠夜斷索遁歸渡江至淮揚投開府李公麾下李公以倭警治兵偶宿廟灣關王廟忠宿別帳忽夢中示警急呼所部巡至廟倭方於廟前放

上元縣志

卷十八

治績

三十六

火乃折垣救李出集四路兵與戰斬級七十二李公始重之復於牛王河與倭戰倭以奇兵襲其後忠曰事急矣負公渡河且戰且走始得脫李公感之畫渡河圖以紀其勇後隸胡總制幕下一日方布陣倭耀武挑戰梅林撫髀曰得猛將衝之其鋒可挫也忠挺然請往梅林卽以所乘馬與之白鎧雙刀直入倭陣旁如無人萬賊辟易梅林大喜揮兵繼進遂獲全勝又於通州逐倭舉鎗刺一倭奴於牆餘倭驚遁凡百戰未嘗少挫由卒伍歷官叅戎稱名將云

論曰明季宦閹用事一二柄臣又以玩於兵事賊起而不能戢養成大癰卒至於潰若劉時化之任中都留守黃長白之佐左府都督迹其祭孝陵屈中官長跽在粵黔征黎酋矯矯虎臣在泮獻馘二子無愧焉陳南塘起行伍間從胡梅林備倭百戰未嘗少挫顧安可以武人目之哉

何棟如字子極號天玉湛之子姿性超越年二十舉萬歷戊戌進士授襄陽府推官大獄多平允值苗亂板角關棟如簡練士卒遣將王一桂立縛如雞雞遂以知兵名中官陳奏開青山礦棟如以顯陵

上元縣志

卷十八

治績

三十七

發脉地繪圖疏聞事得寢後璫至襄檄府佐猶屬吏棟如謂理官係天子吏中貴人安得檄收其爪牙投諸江璫復開穀城宜城礦無所得其黨掠官民郡閩爭挺起棟如復收爪牙之尤者擬劫庫律斬具揭閣部上聞時京師訛傳楚官民擊殺璫遣緹騎逮全楚臣首如詔下獄四年獄中從慕岡馮公受易談兵未嘗以患難忘經世會星變赦歸光廟初起南兵部職方主事以韜畧自負慨然請纓思立功塞外加太僕卿行邊贊畫會失貴人意復逮繫詔獄拷掠備至無可坐乃坐募船糜費

四百金戍滁陽崇禎初詔雪脫戍籍歸南大司馬
范公景文將擬推轂會疾卒嘆惜以爲未盡其才
云子燠字德坤甲申後未與科舉孫以坊字曰範
輕財好義曾贖姻家女爲婢者轉嫁士族葬姻族
十餘人所著有鍾影堂詩集行世

張後甲字丁也鷹揚衛籍生而嶷俊十歲始就學卽
日誦萬卷萬歷丙子丁丑聯捷庚辰廷對賜進士
授辰州府推官多所平反有士人爲豪右所陷文
致成獄後甲亟釋之後成孝廉又奸民手斃其女
誣人陷大辟後甲爲昭雪一旦免十年之繫五開

上元縣志

卷十八

治績

三十八

戍卒戕長官後甲捕渠魁置之法黨立散陞戶部
督御馬草場盡法釐弊中責憚之監榷清源司餉
雲中皆有能聲補工部郎時以營建徵木後甲引
繩程度商不能欺中責無所肆其欲晉四川按察
時征播之役客兵經過所至驛騷而後甲轄境獨
得安堵引疾歸童孺時父病疽爲吮其血成人後
母病瘍顛天悲禱長跼終夜旣責盡以舊產讓兄
自奉泊如而每急人之急痊骼至千餘具人皆以
德讓稱之

姚履素字允初萬歷辛卯舉人辛丑進士授刑部恤

刑湖廣多所全活陞廣東副憲兼督學政爲海忠
介公申請蔭子平抱繇羅峒諸賊事畢乞休葺市
隱園居焉著有適楚紀勝征黎始末諸書

湯有光字孟弢先世溧水家於上元萬歷巳卯鄉科
歷瑞州知府爲政以撫字爲先不事苛察嘗曰吾
奉命出守爲民非爲名也朔望至學宮延見諸生
講說經義一夕夢郡有火災竭誠齋禱明日闔境
共見火星南飛得免於災事載郡紳所著去思碑
中致仕歸年八十三卒子伯衡至性孝友勵志績
學四置乙卷孫聘順治辛丑進士

上元縣志

卷十八

治績

三十九

薛應和字子融萬歷癸酉舉人爲成安令徃例率取
羨於民公嘆曰我拜朝命以來而盜民乎三年丁
外艱徒跣奔歸養母不復出居家二十餘年公府
無片牘卽子弟就試不爲通歿命薄殮木用婺云
王堯封號華岳先世金壇人移家金陵萬歷癸丑進
士授戶部郎出守南昌以恤民興教革弊鋤奸爲
先尤加意人才管守滁州州民苦糧多逃亡時值
編審極意釐剔減下戶舊額十之六其他亦減十
之三民乃歸業歷政皆以廉能稱著有學惠齋摘

稿

程固祥字仲若號我旋起家寒素幼有文譽年十八
受知於焦太史欲妻以女公辭太史益重之令受
業於門登萬歷甲辰進士授確山令調光山政惠
刑清民間有半升之謠謂訟獄簡易無擾計所費
不過半升粟也庚午擢南吏部主事以終養請告
服闋補祠部冢宰趙南星宗伯林堯俞特疏薦之
遷稽勲司主事劾御史請囑者以肅銓政五疏告
歸己巳臺省交薦起考功司郎中掌計典矢公矢
慎爲群小所嫉上知其持正有清望素著之旨立
黜言者自大理丞遷大常通政工部右侍郎改南

上元縣志

卷十八

治績

四十

戶部左侍郎總督倉場一清夙弊戊寅晉禮部尚
書以重望超拜東閣大學士剛直不阿惟以憂國
奉公爲急與時寡諧己卯夏議兵餉忤旨乞骸骨
歸復抗疏力諫隨嘔血不藥每嘆未能終報君恩
仲秋下旬卒有詩集藏於家

陳舜仁字淳甫一字訥所母妊時夢祖平岡公授以
玉鼎生而穎異不凡日誦數千言大京兆少泉汪
公重其才命修府志與盛敏耕陳桂林沈朝陽共
効編纂而董其成萬歷己卯登賢書癸未成進士
授衢州之江山令簡靜明察民俗改觀丁艱補授

泰和俗稱難治仁省訟謝請戢豪剔蠹諸如均賦
役清涼歇賑濟窘民皆勒紀於萃和書院五年民
愛戴如父母而上官嘆其侃直量移大理評事歎
曰吾不能媚人於邑安能媚人於朝哉遂移病歸
絕口不及世事惟里中所疾若如坊廂舖行大馬
快船之類媿媿陳說利害遂得罷免年八十三年
論曰有明之初非無材也何天玉以知兵請纓張
丁也任戶工兩部廉能著聲姚允初恤刑多平反
湯孟弢爲政先撫字薛子融成安不取羨王華岳
編審剔宿弊程我旋起家縣令有半升之謠累官

上元縣志

卷十八

治績

四十一

東閣大學士陳淳甫侃直不肯媚人蓋皆嶽嶽名
臣之選也

卜有徵號虬岩萬歷庚子鄉薦謁選平度州昌邑令
歷任六年冰蘖自矢值水旱首先賑濟多設粥廠
冬施絮襖窮民賴以全活者數十萬人以循良課
最考天下清官第一行取入京東民悲戀如失慈
母吏科祁梧疏言得旨陞本府同知管州事撫字
過老遂以病卒邑人爲肖像祀之

賈必選字徙南萬歷己酉鄉薦歷官戶部主事筦西
新倉時巨璫總理兩部復遣其黨分伺六倉必選

黜陋規在濡不染璫爲少斂會同官倪嘉靖以屯豆下獄選攝篆雲南實司此案具言己巳城守羽書旁午典守者或有脫課顧事在七八年前與嘉慶無與且收支俱清實無他弊疏入謫九江幕遷桂林司理旣而嘉慶事得白起用必選亦陞南工部虞衡司未任丁父艱歸卽杜門不出講學著書晚歲失明取架上書令子若孫讀之憑几諦聽爲辨析折衷口授筆錄成帙至午夜不休曰非是不樂也卒年八十有七

王芝瑞字鍾淑京衛人中萬歷戊午亞魁猶弱冠崇

上元縣志

卷十八

治績

四十一

禎辛未成進士授行人天性豪軼能周人之急庚辛間道殫相望瑞施濟不倦皆出稱貸以給之轉禮部郎故事宗藩襲封必由儀部申請有郡藩當降授將軍而請襲王封者以三千金爲壽曰但乞具文上他無問也瑞拒之駁不許襲政府呼瑞謂曰今上方篤親親子當具文吾爲若成之芝瑞執不從時荆溪再相芝瑞故爲所取士會銓部缺人荆溪欲以瑞改補瑞辭之甚力拂荆溪意或問之曰銓部要地人所幾倖不得者彼方嚮子子何辭焉芝瑞曰相公自出山來所行甚不厭輿望而好

與羣小謀必敗乃公事吾去之恐不速敢溯從其
餘波哉乃以四川督學行未幾聞國變掛冠授生
徒死於粵西之瑞州梅菴僧雪愍藁葬菴側子憑
字杲青別有傳

俞彥字仲茅母禱茅山而生萬歷辛丑舉進士陳情
終養母病躬視湯藥及歿哀痛屢絕三年內奉母
志與胡正菴施棺鷲峯寺所座萬計乙卯起復選
北樞主政巡視皇城衆軍衛十二年未給口糧移
文計部一夕給之歡聲振地進副郎陞光祿少卿
嫉之者以計典謫夷陵守清蠹鋤惡雪理冤獄有

上元縣志

卷十八

治績

四十二

麥秀兩岐之異擢南樞變產三千金採買銅鉛開
鑄以助軍需人益妬之又中以京察罷歸園居蕭
然讀書自樂所著有四書疑治篇印藪古樂府
李在公字天培生而穎異習舉子業不售卽事兵家
陰陽諸書萬歷丙辰科武進士累官分闈所至有
聲致仕歸時流賊猖獗總鎮陳洪範延爲幕中叅
將會獲賊男婦四百餘人令發落皆斬之在公請
驗眞僞報命視其壯貌辦其聲音乃斬二十二人
以狗餘皆釋之留守夏雲奇遇在公厚夏忤璫被
逮憤懣而卒其子二曰襄曰袂輿喪歸楚因疏其

名於簡端欲圖報公子敬按楚名襄者死已久祆
爲賣菜傭爲之授室置產在公喜曰死者有知吾
子其可謂善承吾志矣乎公持身儒素稷歲竭貲
以賑者凡六全活者前後不下數萬人晚年尤好
讀書下筆千言立就年至九十八歲

倪嘉慶字篤之一字樸菴母余恭人禱於茅山而生
登天啟壬戌進士官戶曹時議裁驛站慶執奏驛
站乃朝廷一大養濟院也游手强悍之徒不肯過
兵不卽爲盜者皆賴以存活今過裁之若輩消歸
何處是腹心之患也不從未幾闖獻之禍果熾楊

上元縣志

卷十八

治績

四十四

閣部嗣昌以增兵辦寇謂加餉嘉慶日今日之患
不在兵少而在餉多餉多則農病農病則民貧民
貧則挺而走險者益衆不若簡練士卒減餉裕民
以消盜源爲得嗣昌啣之會忤執政乃以豆案誣
繫獄七年危坐研易究心釋典毫無怨尤嘗戒子
弟曰君恩置我爐鞴鍛鍊凡根得休歇地凡下石
者皆我善知識若以冤家視之則誤矣壬午獲釋
猶擬遣戍臺省交章薦部遂巡未復隨罹國變甲
申春調銓郎改戶科給事中未幾薙髮爲僧稱笑
峯庚子夏沐浴跣趺而化

陸朗字闇先少而力學登天啓丁卯鄉薦辛未成進士授中書舍人嘗初夏猶未脫棉同年有以葛贈者婉却之人服其介中書掌覃恩封典例有書儀公一無所受惟榜列姓氏唱名給散朝議以浙漕阻滯特行考選公奏對稱旨擢公戶科給事中董其事至浙量州縣豐歉擇守令及司理之賢者協治之飛輓以濟尋轉左甲申之後絕意仕進日課諸子孫以高壽卒卒後後進思公德崇祀棲賢菴中子約諸生默封徵仕郎善書畫諸孫恂庠生遇隆甲子經魁秉鐸金壇有師範姪孫祿精天文易

上元縣志

卷十八

治績

四十五

理

常延齡字喬若開平王十二世孫伉爽有大志既襲侯封遇事敢言前後條陳利弊疏凡十二上皆切時弊科臣姜琛行人熊應霖以劾首輔下獄延齡疏請釋二臣而以文彥博救唐介爲輔臣勸朝論躡之阮馬擅政延齡復露章糾劾忤權臣意卽掛冠去爲僧號蒼谷居村菴中旁無儻從灌園自給時或不免饑寒處之晏如死無以爲殮友人白大生胡星卿等醵金襄事乃克塋夫人徐氏魏國愛女也食貧如飴躬操井臼辟纊而食荆布不充毫

無怨尤人以爲難能

周文煒始祖匡宋進士世居白下煒工制藝遊南雍
謁選暨陽簿凡不便民者力爭於令嘗夜出聞女
子泣甚哀鞭扑隨泣聲下詢之乃吳興人也北里
朱某以計給其寡母購之渡江逼與蕩子夜合女
誓死不從日撻之公置朱於法白直指遣役吳興
召其母以女還之有婦妬妾榜掠備至加以炮烙
立斃令屬公往驗觀者如堵公痛懲悍婦擬以非
刑殺人論死人皆稱快令受賄庭鞫謂毆婢無死
法反扑妾父觀者闐然擲礮堂上曰令不簿若令

上元縣志

卷十八

治績

四十六

益憾左遷王府官遂歸秦淮閉門教兩子子亮工
庚辰進士歷官戶部侍郎後改督糧另有傳

錢源字伯開登崇禎丁丑進士授南陽令不名一錢
辛巳壬午兩浙旱惟東陽獨豐每年例解撫標糧
萬石改折銀一萬兩是年撫軍以旱故令以米代
得羨銀二千兩源盡以充公費絲毫不染指已浙
東大饑東陽與天台接壤一富戶積糧待價居民
謀得升斗卽時解散後又有謀復舉者富戶聞之
置毒酒中飢民飲而倒者數十人而天台令遂以
畔報源白曰此皆無告飢民耳據實申請諸上臺

果是東陽議獲免大獄

凌世韶字官球爲諸生時卽以詩文雄視一時崇禎甲戌進士授福清知縣不事催科上官屢徵賦不應曰朝廷令吾牧民耳鞭扑非吾事也坐謫汀州經歷署寧化縣縣境邊海民操土音不可解凡以納課至者胥執爲盜而奪其有民莫能辨韶知其弊痛懲之民乃得至公庭積逋爲之一清遷處州府推官擢戶部以忤時貴去甲申後棄家爲頭陀居半峯庵及卒巾鉢蕭然幾不能斂陳侍御丹衷私謚之曰文陶先生

上元縣志

卷十八

治績

四十七

呂大器字儼若號東川遂寧人崇禎戊辰進士除行人晉陞吏部時流寇蠡起大器以終養歸里知蜀將被兵先築城練鄉勇以待旋晉關南道調固原副使流寇據陝西巡撫丁啓睿三月不能下大器以兵往城乃復擢僉都御史巡撫甘肅劾西寧總兵柴時華不法狀時華自焚死晉宣大總督復以兵部左侍郎總督保定未幾流賊張獻忠破武昌命總師江楚皖鎮左良玉擁衆數十萬殊跋扈聞大器至深自疑稱病不出就榻前慰之意稍解其明年朝聞良玉懷疑調大器爲南兵部侍郎三月

李賊陷京師奸臣馬士英乘間作亂大器遂遁去
卒於滇

馬雲錦字時章號製仙西克人天啓丁卯舉人任江
西南城令性剛直不畏權勢時益藩驕橫雲錦與
之抗揭其不法事於朝詔奪益藩俸降雲錦蘇府
經歷未之任遂隱居金陵以詩文傳于世年六十
四終

陳鐸字本立改字本宣號鹿崖崇禎戊寅督學金公
考取入邑庠後隨叔一安守惠州補博羅弟子員
入太學考授州同知旋奉部檄送軍前遇缺補用

上元縣志

卷十八

治績

四十八

晉馬龍州牧遷保寧府通判卒於守城困亂之難
著有滇遊等集行世

論曰卜虬岩以循良課最賈徙南在濡不染王鍾
淑郤郡藩之賄俞仲茅給衆衛之糧是皆事中機
宜卓然大雅者李天培武人不忘死友倪篤之論
裁驛估增兵加餉之害已而果應甲申國變矐髮
爲僧假令秉鈞有識得展其材何至傾危如是陸
闇先中書不受書儀尋轉戶曹子孫奉主祀傳賢
祠常喬若襲侯封敢言忤執政掛冠去灌園自給
周文煒暨陽簿執法不阿錢伯開不私米羨凌官

球專心撫字絕鞭扑以時貴去呂東川馬製仙以
明哲保身陳鹿崖以守城受命噫嘻誰非王國之
楨而忍自屏棄明之亡有以哉

國朝李敬字聖一其先吳縣人世居竹墩里祖雲鵠有
篤行嘗拾遺金還客葬蘇人之客死者使無暴露
隱德甚多年八十有七卒敬中順治丁亥進士授
行人考選廣西道御史多所建白出按湖廣兵燹
之後請免租稅改折黃絹民皆便之身至行間犒
師征賊有功歷陞刑部左侍郎和衷詳慎出入稱
平丁內艱歸以哀毀疾卒著有學詩錄

上元縣志

卷十八

治績

四十九

朱之翰字鶴門順治丁亥進士初知蠡縣有白頭賊
作亂之翰輕騎抵賊巢諭以禍福詞甚剴切賊感
泣請降籍其首數八民壯餘賊悉潰境遂平後改
平湖收伏泖湖賊錢大邑人德之爲立生祠祀焉
歷陞禮部精膳司郎中出視河南學政所拔皆知
名士任滿告歸遂不復出以恬退終於家

胥庭清字永公順治丁亥進士令餘姚時賊徧山野
清單騎入山撫之四境以寧擢工部權龍江關不
取羨餘致仕歸兄弟百口共爨善事父母人稱孝
友

陳嘉善字伯敬性孝友勵志學問繼母鄭氏苦節訓之極嚴嘉善承顏順授無異言士論多之交友樸誠表裏如一登順治己丑進士歷官分守金衢道叅政以廉惠著聲卒于官旅櫬還南至不能卜地云

吳煥然字鐘闇力學自尚志在濟人常司訓徽歙凡有司所不能理者皆以直道伸民隱貧生邵邈爲仇家所陷司理欲置之劣行鐘闇力雪之程自勝祖塋善地也富室江良謀佔賄縣成招藺太守發學勘視鐘闇斷其地歸程江氏請以五百金求照

上元縣志

卷十八

治績

五十

縣詳拒弗聽邑人比之鮮于子駿之治歙云

魏博字約之號文齋父豹官將軍以忠節著母屠夫人方娠夢神啖以碩果生博曰是兒有異徵後必成立吾可從夫地下矣自屠殉節後博幼依父執襄壯張父勇遂邃于學以軍功授枝陽令時軍務旁午博首興學校明禮義三載政成中丞華善題授固原州牧博以不及養親爲痛固辭將訪舅氏于滇南張公招致之幕其運籌決勝與有助焉襄壯歿遂退老杜門著詩古文甚富生平輕財尚義周急扶危尤指不勝屈云

論曰李聖一御史多所建白累官刑部左侍郎朱鶴門知蠡縣平白頭賊改平湖邑人立生祠祀之胥允公權龍江關不取盈居家百口共爨輓近所難陳伯敬事繼母鄭盡孝分守金衢道以廉惠著吳鐘闇司訓能伸直道魏約之令枝陽政成尤尚氣節噫嘻之數子者豈不偉哉

胡順忠字將美性敏慧嗜學事父母以孝聞登順治己丑進士初授潯州知府時當兵燹剪荆披棘招集流離民爭附焉甫半載受知於經畧洪公薦補南安府府當嶺表孔道順忠戴星出入興利除弊

上元縣志

卷十八

治績

五十一

閭在爲之帖然常有虎患公移牒城隍患遂息歲旱禱於天甘霖立降郡人皆歡曰太守雨也其修文廟葺城垣造橋梁俱不勞民而事舉以年老乞致仕歸行李蕭然鄉黨稱爲清白吏云

楊士元字屆先祖名世以文行著士元弱冠領順治戊子鄉薦秉鐸沐陽辛丑成進士令東阿修學課士蠲供革派轉洧川四載擢沔陽牧沔濱江田多沉塌民苦逋累弗償公繪圖請免沔人德之尤造就孤貧在沐陽攝邳學篆識諸生鄭僑生後督學湖廣在東阿拔童子房嵩後典試河南皆終始育

成咸服其鑿歸里無長物雖晨炊不繼晏如也著
組霞亭文集年七十有八卒

皮大夔字堯臣順治丙戌舉人初任常州府城守都
司凡師徒徵調夔籲憲請

旨不許入城民得安堵歷陞靖江水師叅將所得俸
輒捐以收族不自私焉誥封懷遠將軍

吳伯字大宗號讓里中庚戌武進士授陝西固原衛
守備固原邊陲要地軍民雜處伯撫綏有方催科
不擾部下罔不戴德陞寧夏屯田都闔未赴卒於
固原署中伯生平博綜羣書爲江左風雅主盟所

上元縣志

卷十八

治績

五十二

著有坐花諸集子五人仲子天吾出嗣陝西族叔
庚戌進士堯爲子由歲貢歷任南陽郡丞有聲
陳祥字邃菴以守備督修滿城自北安門至太平門
日役千夫歷兩載始告竣撫恤備至民不知勞以
左都督鎮邵陵及荆南俱有聲時有細柳兼民牧
輕裘定楚南之誦甲寅平滇黔有功邁疾卒

吳樹聲字周旌登順治丁酉賢書甲辰成進士授畧
陽令值滇南之役盡心撫輯未數月以勞瘁成疾
卒於任同府八州有死事縣令懇恩特疏贈蔭之
請未果行

鼎字鉉斗由貢生官雒容縣知縣攝柳州府篆以勤事死

鄧煊字六御以明經秉鐸貴池創建文昌樓文教聿新擢雲南臨安府經歷署寧州篆政通民和以勞疾卒於任

鄧煥字五至號緘齋父旭以丁亥進士起家內翰主煥於京邸少有至性於書史靡不研究數奇不售乃由明經授國子助教教育曲盡太學諸生有安定之頌遷工部都水司主事旋以疾終子五俱列庠序有聲

上元縣志

卷十八

治績

五十二

論曰國家當初定之時胡將美出死力以招集流離楊屆先牧沔陽繪圖以免民通得鄭監門遺意皮吳陳三君輕裘定亂細柳愛民爲武臣所難吳周旌以勞于王事卒盧鉉斗知雒容有惠政鄧六御五至兄弟可不謂濁世之佳公子與

王士雲字望如號過客順治壬辰進士授泉州司李奉裁改補烏程令遷守潮州歷官皆有聲績士民思之生平嗜學公餘手一編不置著史論同異及易解

張遇隆字襄平號西溪先世懷寧人祖清議官廣東

布政使家金陵襄平敦行力學康熙庚辰進士任
陝西臨潼縣有惠政至今驪山之麓祠宇猶新年
七十六卒於子若谷山東長清官署若谷邑庠生
舉孝廉爲政亦有聲

王元蘅字敷功號潯江擅名場二十餘年壯遊京師
好任俠康熙己卯進士任河南新安縣治行循卓
歸金陵僦屋上新河足跡不入城市卒年七十有
二

王霖字巖夫號澄齋康熙丙戌進士殫精經史交遊
言動間皆有繩尺任湖廣南漳縣浚堰溉田歲以

上元縣志

卷十八

治績

五十四

大熟內艱服闋補蜀之新煩尋陞禮部祠祭員外
一切郊廟祭告之儀參酌經義悉爲釐訂引年假
歸意境洒如壽八十餘子鼎誌丁卯科副車

周天成字織甸號函夫康熙壬子科舉人父恕齋明
經歷任學博家世科第而常貧函夫起家東筦令
筦抵海之虎頭門蓋重邑也每西水迅發滙獅洋
水奔騰潰洪民田盡沒函夫相祝高下築堤捍水
堤成號周侯堤載筦邑乘中陞惠州守惠與閩潮
接蠻音悍俗昌黎所謂喜則人怒則獸者也下車
加意撫綏民用又安引年告歸卒年八十有三

楊以寧字宗堯號知白曾大父至父三世皆邑庠生知白生而有奇氣年十七襍被走京師名公巨折爵位輩行與之交一時文譽噪甚丁酉舉順天賢書癸卯知溫江縣浚河渠築江安二堰歲用大豐招撫又木多蠻酋部落十九處署上考特簡廣東以知府用署惠州兩月尋題肇慶以署羅定州任內中忌者之口挂吏議知白任俠廣交遊宦途多齟齬不合以是殞其身年四十無子妻胡氏育隣家女幾一載妻以是告知白義却不納曰吾自有子未幾生長子錡次子鏞皆能世其業

上元縣志

卷十八

治績

五十五

王鐸字禹齋六世祖淇竹公從湛甘泉學遂家金陵時爲應天府庠生禹齋少通敏於書無不讀長游京師以修書議敘選雲南司馬尋陞澂江守下車巡視海口河踞撫仙星雲二湖之咽喉河陽等三縣之田糧所係自天啓元年築壩逮今百三十四年壩傾河塞禹齋力請上憲發公項外捐俸辦料興工親行董視工成民勒石紀其事又澂無兵無倉秋糧升斗皆赴省上納往來跋涉一百二十里建議糧納河陽首邑量徵脚費完日官運省倉上憲允其請民用稱便其留心民事如此調廣東雷

州府勸民墾荒官給牛種陞海南副使道卒於官
弟鎬字豐源倜儻多幹畧佐兄行惠政民甚德之
庚午修邑志尤賴贊襄之力

徐斌字羽儀康熙己丑進士翰林院檢討少貧力學
弟軒傭書京師羽儀卒于官弟章諸生卒于家皆
軒搢柱家事登癸卯賢書任廣東乳源縣

孫元字芝田號仙名甲午科五經中式累上春官不
第起家湖南衡州守以循聲調長沙守會湖南米
價騰貴開倉平糶百計變通逾月價平卯辰滇苗
肆逆軍糧取辦於楚民船爭先飛輓不悞則愛戴
夙具于人心也陞陝西潼商道旋調延綏道以母
年高乞終養卒年六十四

上元縣志

卷十八

治績

五十六

陳昌會字聚野一字葭沚康熙戊子鄉薦補亳州學
正教士以敦尚實行爲先毫衛舊以地糧追呼滋
擾會建議詳請獲免州人德之在毫十餘年民數
罹水患每賑給編查戶口釐剔奸弊雖冬月必冒
寒烈炬累日夜不少休遂以勞劇致病而卒子嘉
謨乾隆甲子舉于鄉

論曰學而後入政未聞以政學自今觀之政何嘗
一曰可廢學哉王望如令烏程張襄平令臨潼駸

駸乎以學道治民矣徐羽儀讀書中秘王敷功雖一作令才不竟用王澄齋束躬醇謹周函夫楊知白俱曉暢民事名傳粵省王禹齋築海口河壩有功澂江不小孫芝田位至監司歷樹偉績信非無本而能然也至若陳葭沚以學博教士而職兼官守又豈非學仕之俱優乎

陳大音字正希號復菴太學生起家湖而衡陽令多惠政康熙己卯奉

旨通丈湖南一省時牧令競以增賦迎合上官大音按畝清丈以欺隱補包賠自是一邑四十五里之田

上元縣志

卷十八

治績

五十七

賦既無欺隱亦無包賠上不虧國賦下不增民糧上官目爲不識時務羅致傾陷幾於不免衡民相率赴省爲之直冤大音力止之云不媿於心去官何害會上官以他事敗得以保全衡民至今口祝不衰年七十卒子其凝雍正庚戌進士選庶常累官陝西浙江山東學政

徐惺字子星明太僕卿揚先之孫順治進士官山東兗東道所部有盜賊屯聚惺自入其寨告諭之旋就縛道路寧謐至今其地名徐公店嗣按河南歲除釋囚歸約曰開春可俱來上官核奏諸囚聞之

悉奔赴無一人逸者擢湖北布政司吳三桂反滇
楚軍興事平以奏銷罷去事母孝爲方伯時偶以
事見譴長跪母前母批其頰適有過署者母呵曰
汝起與客相見客見其面手痕問之公以實對客
悚然

王吉人字天與號樸園六合籍世居金陵僮儻有大
志少遊京師以軍功議敘起家廣東閩鄉令闔故
隸潮俗悍難治吉人以德化之無少梗丁內艱服
闋補山東清平縣廉惠有聲引年告歸子守敬辛
卯舉人任鄱陽縣再任閩之縣源縣以峭直拂上

上元縣志

卷十八

治績

五十八

官意罷職敬子億齡世其家學邑廩貢生

程祿福建連城令禁市水米援溺生女捐修學宮增
設橋梁父年旣耄辭官就養乾隆二年鄉飲大廩
蔡靈字五王號得齋康熙丁巳歲貢任東流訓導加
意課士兩護縣篆有政聲卒於官

施鴻字沛九太學生授信陽州吏目時州有大興作
將下令封民間樹木鴻力言其不可議乃格民陰
受其福晚年乞休居冶城之南徜徉自得卒年七
十三

論曰事君者身也盡已者心也陳復菴不媚上官

幾於傾陷可謂忠矣徐子星縛賊釋囚虎臣矯矯而仁心在抱長跼母前批頰不怨可謂孝矣園僮多幹畧與人交尤以意氣自許程連城循分守職而汲汲以歸養爲念異於世之宦遊不返者蔡五玉以訓導攝縣篆有政聲施沛九卑官存心愛物孰謂一命中無良吏哉

陶敬字肅公號雪樵康熙丙午鄉薦由泰興教諭擢博羅令羅俗剽悍多盜不識禮讓肅公壹以忠誠格人學宮義塾徧刊孝經小學朔望親與士民講誦期年俗爲之變羅人立祠祀之解組後年餘七

上元縣志

卷十八

治績

五十九

十與黃俞邵何第五程穆倩諸老詩酒往還爲真率會碧瞳霜鬚望若神仙也所著有偶存集三十卷子士斐太學生孫湘食餼於庠

黃大鵬字運滄邑貢生任廣東卓遠縣有能聲調肇慶之鶴山鶴介山莽之區向爲盜藪運滄至築城浚池建衙署學宇百凡草創釐然興舉隣境民之願籍於其土者給田與牛種俾安其業三年政成生平精書法遊覽題咏似柳州非俗吏所能爲年未六十以疾卒于署

論曰肅公治剽悍之羅壹以忠誠格人易所筮中

孚也運滄蒞新建之鶴山大造草昧動以不寧易
所象雲雷也二子其在乾之九二乎利見大人何
多讓焉

